

AKTI I THEMELIMIT  
I SHOQËRISË TREGTARE ME PËRGJEGJËSI TË KUFIZUARA

«bufe.al» sh.p.k.

Neni 1  
Emërtimi i Shoqërisë

Sot në Tiranë në datën 03 Shtator 2024 me vullnetin e lirë Ortaku i Shoqërisë:

Meland Qirko me nr. Personal H70515228K lindur më 15.05.1977, në Vlorë, dhe banues në Tiranë, Bulevardi "Zogu I" Pall. I Ri Afer Maternitetit; Nd.58,H2.Ap36; Njësia Administrative Nr. 9; Njesia bashkiake nr. 9;1016;

Vendosi: të themelojnë shoqërinë me përgjegjësi të kufizuar emërtimi i së cilës do të jetë « bufe.al » Sh.p.k.

Neni 2  
Selia e Shoqërisë

Shoqëria do të ketë selinë e saj në qytetin e Tiranës, me adresë Rruga "Aleksandër Moisiu", Godina nr.3, por me Vendimin e Asamblesë së Ortakëve, mund të ngrihen edhe degë, filiale apo dhe seli në vende të tjera, brënda dhe jashtë territorit të Shtetit Shqiptar.

Neni 3  
Kohëzgjatja e Veprimtarisë

Kohëzgjatja e veprimtarisë do të jetë 10 vjet te njëpasnjëshem, por me Vendim të Asamblesë se Ortakëve, ky afat mund të ripërtërihet.

Neni 4  
Kapitali Themeltar

Kapitali themeltar i Shoqërisë përbëhet nga 100.000 (njëqind mijë lekë), i përbërë nga 1 kuotë, i cili është tërësisht kapital financiar e përbëhet nga kontributi i ortakëve si më poshtë:

Meland Qirko, zotëron një kuotë e njësuar me 100% të kapitalit, me vlerë nominale të barabartë me 100.000 lekë (njëqind mijë lekë).

Ortakët kanë të drejtë ta tjetërsojnë këtë kapital, të shtojnë apo të pakësojnë kuotat e kapitalit deri në kufijtë e përcaktuar nga ligji.



Neni 5  
Objekti i Veprimtarisë

Objekti i veprimtarisë së kësaj Shoqërie do të jetë:

Objekti i veprimtarisë së Shoqërisë është:

a. Zhvillimi, prodhimi, importi, blerja, shitja, rishitja dhe marketingu i produkteve ushqimore, të pastrimit si dhe produkteve të tjera, të përdorimit të perditshem dhe shërbimeve logjistike, të nevojshme për transportin dhe shpërndarjen e tyre, si në konsumatorin final ashtu dhe tek bizneset e tjera si lokale, restorante, Hotele etj.

b. Shitje me pakicë nëpërmjet aplikacioneve ose në faqe internet; çdo lloj tjetër shitjeje me pakicë të kryer jo në dyqan (e-commerce)

c. Shërbime ndërmjetësimi, veprimi si ndërmjetës mes konsumatorëve fundorë dhe bizneseve ose ndërmjet bizneseve (B2B), qoftë kur ata janë restorante, kafene, Hotele apo biznese të tjera të shitjes me pakicë

d. Shërbime postare duke përdorur mjete të ndryshme transporti për distanca të shkurtra brenda qytetit dhe rrethinave të tij, për konsumatorë që kryejnë porosi nëpërmjet aplikacionit apo faqes së internetit. Çdo formë marketingu ose shërbimi konsulence për bizneset e lidhura me platformën Bufe.al, shërbimet e infrastrukturës për korrierët dhe bizneset e lidhura të. Me qëllim përmbushjen e objektit të mësipërm,

Shoqëria ka të drejtë:

Të lidhë çfarëdo lloj kontrate ose marrëveshje me persona fizikë, juridike e perfaqesues të bizneseve të ndryshme.

Të themelojë të gjithë llojet e shoqërive ose të marrë pjesë në shoqëri shqiptare ose të huaja apo në bashkime shoqërish/joint venture ose në lloje të ndryshme biznesesh që kanë objekt të njëjtë ose të ngjashëm me atë të Shoqërisë; c. Të themelojë degë ose agjenci në Shqipëri ose jashtë territorit shqiptar;

Të kryejë aktivitete tregtare të lidhura me qëllimin e Shoqërisë në Shqipëri ose jashtë territorit shqiptar;

Të marrë hua, të pranojë garanci personale ose të një lloji tjetër, të marrë përsipër detyrime dhe të lëshojë garanci të tjera kolaterale;

Të ndër marrë çfarëdo aktiviteti të lidhur, tregtar ose të një lloji tjetër dhe të procedojë me çdo veprim ligjor ose transaksion, drejtpërdrejt ose indirekt të lidhur me qëllimin e Shoqërisë, ose që kontribuon drejtpërdrejtë ose indirekt në përmbushjen e qëllimit të Shoqërisë.

Me zgjerimin e aktivitetit, shoqëria mund të bëjë shtesa të ndryshme ose ndryshime të objektit të veprimtarisë së saj, duke bërë ndryshimet përkatëse në Status.

Neni 6

Kalimi i kuotave me trashëgimi (Mortis Causa) ose për shkak të Falimentimit të Ortakut

Në rast vdekje apo falimenti të njërit prej ortakëve, kalimi i kuotës dhe i të drejtave përkatëse në favor të trashëgimtarëve apo personave që fitojnë këto të drejta duhet të



miratohet nga Asambleja e Përgjithshme, e cila duhet të shprehet brenda 30 (tridhjetë) ditëve nga njoftimi i vdekjes apo i falimentit të ortakut. Në rast të refuzimit të pëlqimit apo nëse Asambleja e Përgjithshme nuk është shprehur brenda afatit të sipërpërmendur, Shoqëria do t'ju paguajë trashëgimtarëve apo personave që fitojnë këto të drejta vlerën e kuotës që do të përcaktohet nga Asambleja e Përgjithshme, duke patur parasysh gjendjen pasurore të Shoqërisë dhe vlerën e tregut të kuotës.

Personi që fiton të drejtën mbi kuotën e pjesëmarrjes për shkak të vdekjes apo falimentimit të një ortaku mund të zgjedhë të bëhet zotërues i kuotës ose të kërkojë regjistrimin e kuotës në emër të një personi tjetër të zgjedhur prej tij si përfitues i kuotës. Nëse personi i mësipërm zgjedh të bëhet zotërues i kuotës, ai njofton Shoqërinë në lidhje me këtë vendim.

Personi që fiton të drejtat mbi një kuotë për shkak të vdekjes apo falimentimit të një ortakut do të ketë të drejtat që gëzonte zotëruesi i kuotës, duke përjashtuar të drejtën e pjesëmarrjes ose të votës në çdo mbledhje të Asamblesë së Përgjithshme, deri në momentin e regjistrimit si zotërues i kuotës.

#### Neni 7 Zmadhimi i Kapitalit

Asambleja e Përgjithshme mund të zmadhojë kapitalin e Shoqërisë. Vendimi i Asamblesë së Përgjithshme për zmadhimin e kapitalit do t'i komunikohet me shkrim ortakëve që janë thirrur, nëse nuk janë të pranishëm në mbledhjen e Asamblesë së Përgjithshme që vendosi zmadhimin e kapitalit.

Në rast zmadhimi të kapitalit, të gjithë ortakët do të kenë të drejtën të nënshkruajnë zmadhimin e kapitalit në para ose me kontribute në natyrë, në përpjesëtim të drejtë me kuotat e pjesëmarrjes në Shoqëri.

Në rast se disa ortakë heqin dorë nga e drejta e nënshkrimit të pjesës së tyre, kapitali i panënshkruar prej tyre mund të nënshkruhet nga ortakët e tjerë. Në këtë rast, këta ortakë mund të ushtrojnë sërish të drejtën për nënshkrimin e kapitalit, në përpjesëtim të drejtë me kuotat e pjesëmarrjes në Shoqëri.

#### Neni 8 Zvogëlimi i Kapitalit

Asambleja e Përgjithshme mund të zvogëlojë kapitalin e Shoqërisë, me kuorumin e përcaktuar në nenin 9 të këtij Akti Themelimi dhe Statuti. Në çdo rast kapitali i Shoqërisë nuk mund të zvogëlohet nën kufirin e përcaktuar me ligj.

Ortakët e përballojnë zvogëlimin e kapitalit të shoqërisë, në përpjesëtim të drejtë me pjesëmarrjen e tyre në kapitalin e Shoqërisë.

#### Neni 9 Asambleja e Përgjithshme

Asambleja e përgjithshme është organi vendimmarrës i Shoqërisë. Asambleja e Përgjithshme vendos mbi të gjitha çështjet për të cilat është kompetente sipas ligjeve



në fuqi në Republikën e Shqipërisë, sipas këtij Akti Themelimi dhe Statuti dhe/ose çdo marrëveshje midis ortakëve të Shoqërisë.

Çdo ortak ka të drejtë të marrë pjesë në mbledhjet e Asamblesë së Përgjithshme, të shprehë vullnetin e tij si dhe të votojë në përputhje me pjesët e kapitalit që ai zotëron në Shoqëri.

Çdo ortak mund të përfaqësohet nga një ortak tjetër ose nga një person tjetër, me prokurë me shkrim.

Mbledhja e Asamblesë së Përgjithshme mund të mbahet brenda ose jashtë territorit të Republikës së Shqipërisë. Ortakët ose përfaqësuesit e autorizuar mund të marrin pjesë në mbledhjen e Asamblesë së Përgjithshme nëpërmjet mjeteve elektronike (conference call) audio ose video, në përputhje me ligjin për Shoqëritë Tregtare dhe ligjin për Komunikimet elektronike. Mbledhja e Asamblesë së Përgjithshme do të quhet e mbajtur në vendin ku ndodhet kryetari i saj dhe Sekretari i mbledhjes, me qëllim që të hartohet dhe të nënshkruhet procesverbali përkatës.

Asambleja e përgjithshme mund të thirret nga Administratorët ose nga ortakët në bazë të nenit 84 të ligjit nr. 9901 datë 14,04,2008 “Mbi ndërmarrjet dhe Shoqëritë Tregtare”. Thirrja e mbledhjes së Asamblesë së Përgjithshme duhet të bëhet nëpërmjet njoftimit me shkrim ose me mjete elektronike, dërguar secilit prej ortakëve në adresat e njoftuara Shoqërisë të paktën 7 (shtatë) ditë përpara datës së caktuar për mbledhjen e saj. Njoftimi duhet të përmbajë rendin e ditës, vendin, datën dhe orën e mbledhjes.

Asambleja e përgjithshme do të mblidhet rregullisht pavarësisht nga këto formalitete, kur ortakët apo përfaqësuesit e tyre janë të pranishëm dhe bien dakord të vendosin në lidhje me rendin e ditës.

Mbledhjet e Asamblesë së Përgjithshme kryesohen nga Administratorët. Asambleja e Përgjithshme cakton një sekretar për çdo mbledhje ndër personat e pranishëm.

Vendimet e Asamblesë së Përgjithshme duhet të jenë me shkrim dhe të firmosen nga kryetari dhe sekretari. Me kërkesë të ortakëve vendimet duhet të përfshijnë dhe deklaratat apo vërejtjet e tyre.

Asambleja e Përgjithshme mblidhet të paktën një herë në vit, brenda 6 (gjashtë) muajve nga mbyllja e vitit financiar. Asambleja e Përgjithshme, përveçse për sa parashikon neni 9 i këtij akti themelimi dhe Statuti, për vendime që kërkojnë shumicën e zakonshme, merr vendime të vlefshme vetëm nëse marrin pjesë ortakët me të drejtë vote ose përfaqësuesit e tyre, që zotërojnë më shumë se 30% (tridhjetë përqind) të kapitalit të shoqërisë, sipas nenit 86 pika 1 të ligjit nr. 9901 datë 14.04.2008 “Mbi ndërmarrjet dhe shoqëritë Tregtare”.

## Neni 10

### Organet Drejtuese të Shoqërisë

Organet e Shoqërisë janë:

1 – *Asambleja e ortakëve* e cila përbëhet prej ortakut themelues.

2- *Administratori* i deleguar i shoqërisë që do të jetë Meland Qirko, me shtetësi shqiptare, me nr. Personal H70515228K, me atësi Nikollaq, datëlindje 15.05.1977, lindur në Vlorë, Shqipëri dhe me banim në Tiranë, i cili do të përfaqësojë shoqërinë «bufe.al» sh.p.k.në marrëdhënie me të tretët për një afat pesë vjeçar.



Neni 11  
Shpërbërja dhe likuidimi

Shoqëria shpërbëhet për arsye të parashikuara nga ligji dhe me :

- a. Për mbarimin e afatit
- b. Për pamundësi të funksionimit ose për inaktivitetin të vazhduar të asamblesë
- c. Për reduktimin e kapitalit nën minimumin ligjorë,
- d. Me vendim të asamblesë dhe për arsye të tjera të parashikuara me ligj

Në të gjitha hipotezat e shpërbërjes, asambleja e ortakëve, do të caktojë një ose më shumë likuidatorë duke përcaktuar numrin e likuiduesve si dhe kriteret në bazë të të cilave do kryhet likuidimi.

Neni 12

E gjithë veprimtaria e shoqërisë do të bazohet në Ligjin Nr.9901 datë 14.04.2008 “Për tregtarët dhe Shoqëritë Tregtare” si dhe ligji nr 9723 datë 03.05.2007 “Për Qendrën Kombëtare të Rregjistrimit” si dhe në Legjislacionin në përgjithësi të Republikës së Shqipërisë.

Neni 13

Ky Akt Themelimi u nënshkrua në tre kopje të barazvlefshme të tij sot me datën 03 Shtator 2024 (tre shtator dymijë e njëzet e katër) .

Asambleja e Ortakëve:

**Meland Qirko**

